

# Yesùà é te kréké á Komba

Jésus a la puissance de Dieu



Nouveau Testament

7

# **Yesùà é te kréké á Komba**

**Jésus a la puissance de Dieu**

CABTAL  
B.P. 16550  
Yaoundé  
République du Cameroun  
E-mail : [info@cabtal.org](mailto:info@cabtal.org)

2011

Langue : baka, parlée dans la Région de l'Est de la République du  
Cameroun  
Code langue ISO 639-3 : bkc

Titre en français : Jésus a la puissance de Dieu  
Marc 5.21-43


Cette histoire biblique, conçue pour les lecteurs bakas, a été  
développée par une équipe de traduction à Ndjibot.


Illustrations bibliques de Jim Padgett, courtoisie de Sweet  
Publishing, Ft. Worth (Texas) et de Gospel Light, Ventura  
(Californie) © 1984. *Tous droits réservés.*

© CABTAL, 2011

Lìkànò a Yesùà a mbi kè é mànào te kpéké á Komba è.  
Yesùà òò na gò te na manà ngòmà Komba. Yesùà kò,  
Yesùà kò, Yesùà kò...

Gàje kòpe kè Yesùà é bà gò bo nè, dàdì boo wó bà  
tomé. Wó bà ye na jè èe kòpe kè Yesùà é bà ngomà  
nè te na sià èe kòpe kè é à μεè è.






Tie ná kò, nòò tí bo nà nda a Komba á kòtò bite Yesùà. É tε Yesùà pe : « Koboe, kpikpi yùwà a lè, kpikpi yùwà a lè. Lè là a lè nà wósè á mèè pe é kpi. Tò weè lé, é bóò. »

Pe Yesùà jè koà kokò nè, á kpi yùwà a ngé. É tε tí bo nà nda a Komba pe : « Dò gó, a gò a sià lè là a mò. »

Wó té wá gò, wá gò, wá gòòò...

Ekò, tie kè wó bà gò te koà nè, dàdì boo wó bà tomá ó. A to paki à bo kènòò wó bà tomá ó nè, é òò te nòò lè wósè kè á jè kékè a ngòbó è nè. Kò kè bité nè e kò nà nje.

Ngé é gòò bite wà mào kòpe pe wó boò lé. Ekò, kò a ngé bà gò kò mbèli mbèli, ndé na mbè. Sáka a ngé te èè kòpe kè é te nè, a mbè à we ná.






Ekò, pe lè wósè ná é sià Yesùà é mo a mbèli kokò nè, á do na kòò à paki à boo kòpe. Á kòò, á kòò, á kòò...

Á do koà a sidi pe Yesùà. Á tuà té à sòò Yesùà. Á tuà té, á tuà té, á tuà té...

Pe é kotò à sòò Yesùà okò nè, á gbiè kpé. Á weè Yesùà a bòngò a ngé.


Ekò, pe é weè Yesùà a bòngò a ngé lè dfi kokò nè, á boò. Kò kè wèe a ngòbó è nè, a mbè. Á boò sikindi.



Tie ná kò, Yesùà á nyì pe kpéké ná e bà lèji bité. Á pò. Á yi boo pe : « Là wèèlè bòngò a lè ? »


Wà kuno a ngéó té pe : « Koboε, bà sià, boo wó dàdì te mimilì. Kòmbe nga nyì pe là wèèlè bòngò a mò è ? »

Kò ngé Yesùà á geè bo kè é wèèlè lé è.



Pe é sià, lè wósè kè á kòtò. É te Yesùà pe : « Koboε,  
e wèε taà ngaà. »

Yesùà té pe : « Pena mbì kè mo ò lemè te Komba à  
búmá mò kòpe è, èe ná kè makàlà kè mo ò boòε te  
tókpòlì tókpòlì nè. Gòε jókò. »




A sisi ná kokò nè, Yesùà á ye pe é go mbèli mbèli. Á go wó te tí bo nà nda a Komba kè lè là a ngé nà wósè bà ye na kpì nè.

Pe wó mè pe wó go okò nè, noò wà tima á kotò. É te tí bo nà nda a Komba pe : « Là a mò nà wósè á kpìe. Pena mbì kè là a mò á kpìe te nè, a lekè te pe mò du, ndé na ndekèlè kobo kè kina. E ndé èe kè a mè è, gó. »

Yesùà te tí bo pe : « Dòto miyò. Mò jè njelè a. Lemè lè à búmá mò. »



Ekò, wó tó wá ḡḡḡ... Wá ḡḡ na kòtò à nda a tí bo.  
Wá lì à nda a ngé. Pe wó lì à nda a ngé koà, wó sià,  
kò lè yandé kè. Boo kòpe wá kùgba.



Yesùà tɛ boo kòpɛ pɛ : « Lè yandé à wósè kè i bà sià lé nè, é à la. É kíkìpì de. »

Pe wó jè koà, wó bà mìjò kò mìjò a èe kè Yesùà á ngomà pó nè.

Yesùà á koò tɛ boo kòpɛ. Kò nyí lè wósè tɛ nyí lè wósè tɛ wà kuno a Yesùào ngó wá doto à nda.

Yesùà á ja lè wósè à kpé. É té a ngómá ó pɛ : « Tolita kumì ! » A lì bákà pɛ, lè wósè jukò !



Ekò, lè yandé nà wósè á jukò. Á wòsolo. Á tongòà te na nòò, á gò.

E sasa e : Sàa

Lìkànò kè bà manà pe atínì mbì kè Yesùà é òò na nòò te kpéké a Komba nè, ekò.